

CH. IV.

Toni ioriwahnerakwat!
 Niio onkwe rotatonni,
 Iesos Kristos ne ronwaiats,
 Nene sesónkwaskontakwen.

O Iesos takewenniio!
 Konsennaiens nok konnentons,
 Hiataienha Rawenniio,
 Mari oni hiataienha.

CH. V.

Sonkwaronhiakense Iesos,
 Rawenheion kaiasake;
 Taonken sonkwanonwehon!
 Taonken hoiatanonwet!

Shotonnheton, sekon sronnhe,
 Ieshenteron karonhiake,
 Okaristiakon oni
 Roiatasetakwenhaties.

CH. VI.

Enkiheie katke ki ok,
 Rawenniio enthenntonon;
 Nok tenhnon enskatonnhetu
 N'ensewatonsentsiarisi.

Karonhiake ne kaskaneks,
 Onwentsiakon ne ketsanis,
 Akwa oni ieronhiakens
 Tsi tetieseronniatha.

CH. VII.

Keronhiaken n'onwentsiake
 Takatentsa karonhiake,
 Tosa iaske n'oneshon,
 Otsirake iahte waswas.

Takrewat nonwa tsi ikes
 Nonwentsiake, Sewenniio;
 Nok tenhnon askitenrane
 Nonen enkiheionsere.

CH. VIII.

Ise sberiwahtontennis
 Iakoriwaneren nonkwe;
 Sewenniio, takiatokef,
 Iesos, takiatatokentist.

Ise iontekwasentakwa
 N'iakoriwanerabakskon,
 Wari senistenserio,
 Askaterennaienhase.

CH. IX.

Tsiatak nikon, ne ienaie,
 Ienosas, ienakwaiesen,
 Iakonihon, iakaores,
 Iakonakwens, iakentorha.

Skeriwaswens, Sewenniio,
 Kariwaksenskwe okonha;
 Takitenr, askienawase
 Aonkerihonti onwe.

CH. X.

Asen ok niioriwake
 Ne kontiriwakweniios,
 Watiesen n'aierihokten,
 Eso ionsennonniatakwa.

Ne iakoriwiiostakon,
 Nok oni iakorharekon,
 Nok ronwanonwestha Niio,
 Iontatenonwestha nonkwe.

CH. XI.

Tiotkon tewaterennaien,
 Tiotkon ionkwanitentonhak
 Niatekon tentewatentsa,
 Ensonkwentenranion Niio.

Ionwesen aionterennaien,
 Iawet Niio taietaren;
 Iakotaskat n'ieweiente,
 Sakotsennonniatennis.

CH. XII.

Oriwatokenti kowa
 Tsiatak nihoriwisannhon
 Ne Iesos Sonkwawenniio,
 Thetsitewanonweratont.

Ne sonkwaianerenstakwa,
 Sonkwaiaiatokentistha,
 Sonkwanikonhriostakwa,
 Sonkwanikonbraniratha.